



10. novembri 2025

Inatsisartut Suleriaasianni § 37, imm. 1 naapertorlugu tulluuttumi apeqqutit Naalakkersuisunut saqqummiuppakka.

Naalakkersuisunut apeqqutit:

1. Katsorsaavik Nuuk 2026-mi marsip 31-ani katsorsaanermik unitsitsippat, atornerluisunik katsorsaaneq manna tikillugut ingerlaannarsinnaanissaa Naalakkersuisut qanoq qulakkeerniarpat?
 - a. Aaqqiissutissamik nassaartoqareerpa?
 - i. Taamaassimappat; aaqqiissutissaq suua?
2. Katsorsaavik Nuuk matutinnagu atornerluisunik katsorsaanerup siunissaa pillugu, matumani aaqqissuussineq, nuna tamakkerlugu periarfissiinissaq, aningaasalersuinerlu ilanngullugit, Naalakkersuisut ataatsimut pilersaarummik saqqummiussiniarpat?
3. Allorfik massakkutut katsorsaaviuinnarani aallaqqaataanisulli paasisimasaqarfittut, piginnaasanullu centerinngorteqqinniirlugu Naalakkersuisut pilersaaruteqarpat?
 - a. Taamaattoqassagaluarpat Allorfiup suliassaa allanngortinneqassappat, nunami katsorsaaniissamik neqeroorutit suli naammattut pigineqarnissaat Naalakkersuisut qanoq qulakkerniarpat?
 - b. Katsorsaasut suliatigut ilitersueqatigiinnissamut, ilinniarnissamut, piginnaanngorsarnissamullu suli periarfissaqarnissaat Naalakkersuisut qanoq qulakkeerniarpat?
4. Peqatigiilluni suliniuteqarnissaq pillugu 2025-2026-mut isumaqatigiissut aqqutigalugu Naalakkersuisut Kommune Kujallermi isumaginninnermut aningaasat immikkoortitaasa (6 mio. koruunit) ilaat, atornerluisunik katsorsaaniissamut atorneqassasut eqqarsaataava?
 - a. Taamaassimappat – aningaasat piviusumik qanoq agguataarneqarpat, atorneqarlutillu?
 - b. Taamaassimanngippat – peqatigiilluni suliniuteqarnissaq pillugu isumaqatigiissutaasussani atornerluisunik katsorsaanerup pingaarnersiorneqarnissaa Naalakkersuisut qanoq qulakkeerniarpat?
5. Peqatigiilluni suliniuteqarnissaq pillugu Kommune Kujallermut isumaqatigiissut 2026-mi atorunnaarpat isumaginninnermi suliniutit, matumani atornerluisunik katsorsaaneq ilanngullugu, ingerlateqqinneqarniassammata aamma annertusineqarniassammata, taassumap sivitsorneqarnissaanut imaluunniit annertusineqarnissaanut Naalakkersuisut suliniuteqassappat?



DEMOKRAATIT

- a. **Kommuninut allanut assingusumik peqatigiilluni suliniuteqarnissaq pillugu isumaqatigiissusiornissaminnik Naalakkersuisut pilersaaruteqarpat?**

6. Sammisamut soqutigintartunik allanik Naalakkersuisut paasissutissiisinnaappat?

(Inatsisartunut ilaasortaq Bo Martinsen, Demokraatit)

Tunngavilersuut

Katsorsaavik Nuuk ilisimatitsivoq, atornerluisunik katsorsaasarnertik tamaat 2026-mi marsip 31-ani unitsinniarlugu. Piffissami inuiaqatigiinni atornerluinermi ajornartorsiutit suli annertusiartuinnartillugit innuttaasorpasuit ikiorserneqaratarsinnaanatik, pisortat katsorsaannissamik neqerooruteqartarnerini tamanna amigaataassaqaq.

Ilutigisaanik peqatigiilluni suliniuteqarnissaq pillugu piffissami 2025-2026-mut Naalakkersuisut Kommune Kujallermut isumaqatigiissusiortut, tassanilu isumaginninnermi suliniutinut 6 mio. koruunit immikkoortinneqarlutik. Aningaasalli taakkua ilaat atornerluisunik katsorsaannissamut atorneqartussatut eqqarsaatigineqarnerisut, isumaqatigiissullu 2026-p kingorna sivitsorneqassanersoq ersarinngilaq.

Taassumap saniatigut Allorfiup siunissami suliassai ersarissassallugit pisariaqarpoq. Allorfik pilersinneqaqqaarami paasisimasaqarfittut, piginnaasanullu centeritut pilersinneqarpoq, kingornali katsorsaavittut ingerlatsinermi suliassaqaqalernikuulluni. Iluseqqaavanut uteraanni tamanna suliatigut nukittorsaataasinnaanersoq, aammalu ilisimasat, ilinniartitaaneq, pitsaassuserlu siammasinnerusumik tunngavissinneqarnissaat qulakkeerneqarsinnaanersoq ersarissarneqartariaqarpoq – ilutigisaanik katsorsaasarnissamik suliniuteqarneq najukkami ingerlaannarluni.

Taamaalilluni atornerluisunik katsorsaaneq unitsinneqarani ingerlaannarsinnaanissaa, aningaasalersuinerup inissinnissaa, peqatigiillunilu isumaginninnermi suliniutit ilumut atornerluisunut suliniutinut nukittorsaataanissaat Naalakkersuisut qanoq qulakkeerniarneraat paasissallugu apeqquteqaatitigut siunertaavoq.

Apeqquteqaatinnut akissutit piffissaliussap ullut suliffiusut qulit iluini tigunissaat qilanaaraara.